

Na osnovu člana 75. stav 6. Zakona o lovstvu („Službene novine Federacije BiH“, broj 4/06), federalni ministar poljoprivrede, vodoprivrede i šumarstva donosi

**PRAVILNIK
O VRSTI UNIFORME, OZNAKAMA, USLOVIMA ZA NOŠENJE ORUŽJA,
VRSTI ORUŽJA I VELIČINI LOVOČUVARSKOG REJONA**

Član 1.

Ovim Pravilnikom propisuje se vrsta uniforme, oznake, uslovi za nošenje oružja, vrsti oružja i veličinu lovočuvarskog rejona.

Član 2.

Sužbena uniforma lovočuvara je:

1. šešir,
2. košulja ljetna i zimska,
3. odijelo ljetno i zimsko,
4. dolama,
5. cipele plitke i duboke,
6. čizme,
7. metalna ili plastična pločica sa natpisom LOVOČUVAR.

Član 3.

Dijelovi uniforme imaju sljedeći izgled:

1. šešir je od filca sa klasičnim lovačkim oblikom tamnozelene boje,
2. košulje su maslinasto zelene boje:
 - ljetne košulje su od prirodnih materijala, tanje tkanine, kratkih rukava sa našivenim džepovima i naramenicama,
 - zimske košulje su od prirodnih materijala, deblje tkanine, dugih rukava sa našivenim džepovima i naramenicama.
3. odijelo se sastoji od jakne, hlače i prsluka maslinastozelene boje:
 - ljetna jakna je sportsko-lovačkog izgleda, sa našivenim džepovima, dužine do ispod struka, od tanjeg materijala sa pretežnim dijelom prirodnih vlakana
 - ljetne hlače su klasičnog kroja od istog materijala kao i jakna
 - prsluk je bez rukava sa našivenim džepovima od istog materijala kao ljetna jakna i hlače
 - zimska jakna je klasičnog kroja sa našivenim džepovima od deljeg materijala u kojem je pretežni dio vunениh vlakana
 - zimske hlače su klasičnog kroja od istog materijala kao i zimska jakna
4. dolama je standardne dužine, sa našivenim džepovima, od vodootpornog materijala maslinastozelene boje sa debljim zimskim uloškom.
5. cipele - plitke i duboke, su od smeđe kože, vodootporne, sa rebrastim gumenim donom

6. čizme su gumene, maslinastozelene boje, visoke do ispod koljena, sa rebrastim donom.
7. Metalna ili plastična pločica je dimenzija 50x20 mm a natpis ispisan latiničnim slovima visine 16 mm.

Član 4.

Službenu uniformu lovočuvar nosi samo za vrijeme vršenja službe i ne smije je otuđivati.

Pločica sa natpisom LOVOČUVAR se nosi iznad lijevog džepa na ljetnoj košulji, prsluku, jakni ili dolanima.

Službena uniforma lovočuvara traje dvije godine.

Lovočuvar je dužan službenu uniformu održavati urednom.

Član 5.

Lovočuvari vrše službu naoružani lovačkim oružjem u skladu sa Pravilnikom o načinu upotrebe lovačkog oružja i naboja ("Službene novine Federacije Bosne i Hercegovine", broj 5/08) .

Lovočuvar se u obavljanju svoje dužnosti može koristiti lovačkim oružjem za provedbu odredaba lovno-gospodarske osnove kod ostvarenja gospodarskih mjera zaštite i uzgoja divljači ili korištenja lovišta a u skladu sa odredbama Zakona o lovstvu, Zakon o oružju (, i podzakonskih akata donesenih na osnovu ovih zakona.

Član 6.

Veličina lovočuvarskih rejona je ovisna o tipu lovišta i obimu gospodarskih mjera koje je neophodno ostvariti u skladu sa odredbama odobrene lovno-gospodarske osnove i godišnjih planova gospodarenja.

Površina lovočuvarskog rejona je minimalna 1.000 hektara, a najviše 10.000 hektara.

Član 7.

Ovaj pravilnik stupa na snagu narednog dana od dana objave u („Službenim novinama Federacije BiH“) .

Broj: _____
Datum: _____

MINISTAR
mr.sci. Damir Ljubić

O B R A Z L O Ž E N J E

P R A V I L N I K A O VRSTI UNIFORME, OZNAKAMA, USLOVIMA ZA NOŠENJE ORUŽJA, VRSTI ORUŽJA I VELIČINI LOVOČUVARSKOG REJONA

I - PRAVNI OSNOV

Pravni osnov za donošenje ovog pravilnika sadržan je u odredbama člana 75. stav 6. Zakona o lovstvu („Službene novine Federacije BiH“ broj 4/06), kojim je utvrđeno da vrstu uniforme, oznake, uslove za nošenje oružja, vrstu oružja i veličinu lovočuvarskog rejona, propisuje federalni ministar.

II - RAZLOZI ZA DONOŠENJE PRAVILNIKA

U članu 90. Zakona o lovstvu propisano je da federalni ministar poljoprivrede, vodoprivrede i šumarstva donosi provedbene propise za koje je ovlašten ovim zakonom. Donošenje pravilnika iz oblasti lovstva omogućit će njegovu potpunu implementaciju.

III FINANSIJSKA SREDSTVA

U Budžetu Federacije Bosne i Hercegovine nije potrebno obezbjeđivati posebna sredstva za donošenje ovog pravilnika.